

新校注古本西廂記

新校注古本西廂記卷四

卷四

山陰徐渭附解

元大都王實甫編明吳江詞隱生評

明會稽方諸生校注古虞謝伯美

山陰朱朝鼎同校

第四折

楔子引出一章用江陽韻

第一套仙呂宮曲一十八章用皆來韻

第二套越調曲一十四章用尤侯韻

第三套正宮曲一十九章用齊微韻

第四套雙調曲一十六章

用車遮韻  
生旦叅

一套

今本第十三折

就歡

旦上云昨夜紅娘傳簡去張生約今夕和他相會等紅娘來做箇商量紅上云姐姐着我送簡與張生許他今宵赴約我又怕說謊弄了他性命不是要我見小姐去看他說甚麼旦云紅娘收拾臥房我睡去紅云不爭你要睡去呵那里發付那人旦云甚麼那人紅云姐姐你又來了也送人性命不是要你若又番悔我去首告老夫人你着我將簡帖兒約下他來旦云這小賤人倒會放刁羞人答的怎的去紅云有甚的羞到那里則合羞眼者紅推旦云去來去來老夫人睡了也旦走科紅嘆云俺姐姐語言雖是強脚步却早先行唱

仙呂端正好

因姐姐玉精神花模樣無剗斷曉夜思

量今夜着箇志誠心改牀喏瞞天謊出畫閣向書房

離楚岫赴高唐、學竊玉、試偷香、巫娥女、楚襄王、楚襄王敢先在陽臺上、

下生上云昨夜紅娘所遺之簡約小生今夜成就這早晚初更盡也不見來呵小奴又說謊麼生念人間良夜靜復靜天上美人來不來唱

仙呂點絳脣、竚立閒堦、夜深香靄、橫金界、瀟灑書齋、

悶殺讀書客、

客叶

混江龍、彩雲何在、月明如水浸樓臺、僧歸禪室、鴉噪庭槐、風弄竹聲、則道金珮響、月移花影、疑是玉人來、意懸懸、業眼、急穰穰、情懷、身心一片、無處安排、則索呆打孩、倚定門兒待、越越的青鸞信杳、黃犬音乖、

生云小生一日十二時無一刻  
放下小姐你那里知道阿唱

油葫蘆情思昏昏眼倦開單枕側夢魂飛入楚陽臺  
早知恁無明無夜因他害想當初不如不遇傾城色  
人有過必自責勿憚改我却待賢賢易色將心戒兜  
的上心來側責俱叶齋上聲

天下樂又早倚定門兒手托腮難猜來那不來夫人  
行料應難離側望的人眼欲穿想的人心越窄多管  
是冤家不自在窄與側同叶

生云偌早晚不來莫  
不又是說謊麼唱

那吒令他若肯來早身離貴宅他若到來便春生救

齋他若不來似石沉大海數着他腳步兒行倚着窗

櫺兒待寄語多未

宅叶池  
齋切

鵲踏枝

怎的般惡捨白並不曾記心懷怎得箇意轉

心回頻去頻來空調眼色經今半載這其間委實難

捱

自叶巴埋切  
實借叶去聲

生云小姐這遭

若不來呵唱

寄生草安排着害準備着擡想着這異鄉身強把茶

湯捱則爲這可憎才熬得心腸耐辦一片志誠心留

得形骸在試教司天臺打筭半年愁端的太平車敢

道十餘載

載音在勿  
作再音

紅上云姐姐我過去你則在這里紅敲門科生問  
云是誰紅云是你前世的娘生云小姐來麼紅云  
你接了余枕者小姐後面來也張生你怎麼謝我  
的是生拜云小生一言難盡惟天可表紅云你放  
輕者休謊了他先生只在門首等着我迎去紅引  
旦上紅推旦入門科云姐姐你入去我只在門兒  
外等你旦見生科生跪云張珙  
有何德能敢勞小姐下降唱

村里迂鼓猛見了可憎模樣早醫可九分不快先前  
見貴誰承望今宵相待教小姐這般用心不才張珙  
合當跪拜小生無宋玉般容潘安般貌子建般才姐  
姐則可憐見俺爲人在客

生挨着旦  
坐科唱

元和令繡鞋兒剛半拆柳腰兒恰一擱羞答答不肯

把頭擡只將鴛枕挨雲鬟彷彿墜金釵偏空髣髴見

歪

拆叶釵上聲擡叶奈疑音狄

上馬嬌將紐扣兒鬆把縷帶兒解蘭麝散幽齋不良

會把人禁害哈終不肯回過臉兒來

哈音海平聲

勝葫蘆軟玉溫香抱滿懷呀劉阮到天台春至人間

花弄色柳枝款擺花心輕拆露滴牡丹開

么蘸着些兒麻上來魚水得同諧嫩蕊嬌香蝶恣採

半推半就又驚又愛檀口搵香腮

着借叶去聲推吐回反

生曉云謝小姐不棄張琪今夕得就枕席異日犬

馬之報旦云妾千金之軀一旦棄之此身皆托于

足下勿以他日見棄使妾有白頭之嘆生云小生

焉敢如此生看手帕科旦云羞人答答的看甚麼



唱生

後庭花春羅元瑩白、早見紅香點嫩色、燈下偷睛看、  
曾前着肉揣、暢奇哉、渾身通泰、不知春從何處來、無  
能張秀才、孤身西洛客、自從逢稔色、思量不下懷、憂  
愁因間隔、相思無擺劃、謝芳卿不見責、隔叶皆上聲、劃叶槐、  
柳葉兒我則將心肝兒般看待、點污了姐姐清白、小  
生忘飡廢寢、舒心害、若不真心耐、志誠捱、怎能勾這  
相思苦盡甘來、

青歌兒成就了今宵歡愛、覓飛在九霄雲外、投至得  
見你箇多情小姝姝、憔悴形骸、瘦似麻穠、今夜和諧、

猶自疑猜、露滴香埃、風靜閒階、月射青齋、雲鎖陽臺、

審問明白、只疑是昨宵夢中來、愁無奈、稍音皆

丑云我回去也怕老夫人睡醒了來尋我也生唱

寄生草多丰韻、越稔色、乍時相見教人害、霎時不見教人怪、些兒得見教人愛、今宵同會碧紗櫺、何時重解香羅帶、

紅上云恐老夫人睡覺我喚俺姐姐去見生云你喜也姐姐去來休纏了生唱

煞尾春意透酥臂、春色橫眉黛、賤却人間玉、  
桃腮、乘着月色嬌滴滴、越顯的紅白、下香階、懶步蒼苔、動人處、弓鞋鳳頭窄、嘆小生不才、謝多嬌錯愛、是

必破工夫今夜早些來

帛與白同叶

下

### 注一十八條

#### 端正好

此調有二。此屬仙呂宮。古本及今本俱誤作正宮。今改正。因姐姐四句俱指張生無倒斷。卽無休歇之謂。今夜着箇志誠心。指鶯鶯。紅娘謂已。平常若似紅娘代爲說謊。今始得改抹之也。

#### 點絳脣

此套全篇恭率。但淺殊寡醞藉。記中諸曲此最稱殷然實甫。絲竹芙蓉亭劇內有仙呂曲一套亦與此曲

同韻殊綺麗濃秀大是妙絕若出兩手何耶

### 混江龍

僧歸禪室語稍不倫李後主所謂風乍起吹皺一池春水干卿何事耳唐李君虞詩開簾風動竹疑是故  
人來打孩助語詞董詞合不定這一雙業眼又勞勞  
穰穰身心一片無處安排又悶打孩地愁滿懷

### 油葫蘆

此調又追敘平日之思慕與上曲不相蒙白樂天詩  
人非木石皆有情不如不遇傾城色徐云人有過以  
下數語不免頭巾

天下樂

此調又接前混江龍調意來，又早，正與則索相應，倚  
定門兒，手托腮，係董詞倚門犯重，不自在，又疑其病  
不能出也。

那吒令

揣摩故是人情，石沉大海，不稱。

鵲踏枝

上寄語多才一句，當屬此曲看，直管至寄生草曲末，  
皆對紅娘說，欲其達之鶯鶯也。古本頻去頻來，今本  
作夜去明來，亦佳，但與後鬪鵲鶯曲重耳，空調眼色。

二句、本調變體、

寄生草

首二語、言拚箇害死也、董詞、欲問俺心頭悶、打孩、太平車兒難載、太平車、大車也、邵氏聞見錄、沈括對神宗曰、今民間輜車、重大推樸、以牛挽之、日不能行三十里、少雨雪、則跬步不進、故俗謂之太平車、可施於無事之日、兵間不可用也、

村裏逐鼓

可憎、兒前、董詞、張珙殊無潘沈才、輒把梅犀點污、

元和令

半拆猶言半開。董詞穿對兒曲彎彎的半拆來。大弓鞋諸本俱作折。非一擲一捻也。髻髻綺本作髻髻。非髻與剃同。剪髮也。

### 上馬嬌

董詞好教我禁不過這不良的下賤人。白仁甫流紅葉劇不良才。歹兒頭。本罵人語。此言不良。猶曰可憎。反詞也。言你不良。却這樣把人禁害也。此是平日想慕之極。既乍得親近而問嘴之詞。鶯鶯不面他回答。故又曰終不肯回過臉兒來也。哈哈笑聲。一字句。例見前。

勝葫蘆

古本作阮肇到天台，不若今本劉阮勝，然二句殊俚。

么

種曰赤  
只言其  
香也

首語大傷醜藉，次語較陳，半推半就，又驚又愛，却入妙諦，二語俱就鶯鶯說。丘汝晦月下聽琴詞，半羞半肯，又喜又驚，正祖此語。董詞那孩兒，怕子箇，怯子箇，閃子箇，亦俊。清異錄：唐昭僖時，宮中點唇，有聖檀心等名，檀口香腮，亦俱指鶯鶯說，謂搯檀口于香腮也。

後庭花

春羅二句，言手帕也。宵前三句，亦少涉猥俗，暢奇哉。



奇之甚也、與前暢好乾一例、旣云思量不下懷、又云相思無擺劃、兩思字重、有誤字、

柳葉兒

連上曲看、首三語亦墮惡境、舒心害、放心受害也、

青哥兒

首二句、今宵及九霄二字、舊俱雙疊、此搦彈家所增、非本調也、從朱本去之、投至得二句、言比及見得你時、已自形骸瘦盡也、只疑是昨宵夢中來、正猶自疑猜處、猶詩今夕何夕之意、董詞猶疑慮、實曾相見、是夢裏相逢、徐云、謂昨宵夢與鶯鶯會合、醒後成空、今

此今夜  
正與上  
相  
懸

疑其又如昨夜故愁無奈雖云愁實喜之之辭也此  
調字句可增減與前折不同覓飛在九霄雲外句又  
近周高安所稱張打油惡語也

### 煞尾

徐云女子經男則眉偃而乳緩董詞春色褪花梢春  
恨侵眉黛下香堦二句形容其會合之後倦態難勝  
也此時將及天曉故曰今夜早些來董詞囑付你那  
可人的姐姐教今夜早來些俗本作明夜非

### 二套

今本第十四折

### 說合

夫人引歡郎上云道幾日竊見鶯鶯語言恍惚神  
思加倍腰肢體態比向日不同莫不做下來了麼

歡云前日晚久妳妳睡了呵我見姐姐和紅娘去  
花園裏燒香半夜等不回來我家去睡了夫人云  
這椿事都在紅娘身上你去喚紅娘來歡喚紅娘  
紅云哥哥喚我怎麼歡云妳妳知道你和姐姐去  
花園裏去如今要問你哩紅云呀小姐你連累我  
也小哥你先去我便來也紅喚旦上紅云姐姐事  
發了也老夫人喚我哩却怎了旦云好姐姐遮蓋  
些紅云娘呵你做隱秀者我道你做下來了旦云  
月圓便有陰雲蔽花  
發偏遭急雨摧紅唱

越調鬪鵲鶉 您若是夜去明來倒有箇天長地久則

爲你握雨攜雲我常是提心在口你則合帶月披星

誰教他停眠整宿老夫人心中數多情性儻巧語花言

將沒作有宿音羞上聲後同儻音第上聲

紫花兒序猜他窮酸做了新婿猜俺小姐做了嬌妻

猜那賤人做了饒頭、你這些時春山低翠、秋水凝流、  
別箇的都休、試把你裙帶兒拴紐門兒扣、比着那舊  
時肥瘦、出落的精神、別樣的風流、

（旦云）紅娘你夫小心同話者、（紅云）到  
那里、夫人若問道兀那小賤人唱

金蕉葉、我着你但去處行監坐守、誰着你迤逗的胡  
行亂走、若知道那時如何索休、我便索與他箇知情  
的犯由、

調笑令、您繡幃裏、效綢繆、倒鳳顛鸞、百事有、我向窻  
兒外幾曾敢輕咳嗽、立蒼苔、把繡鞋兒水透、如今嫩  
皮膚上、又將麝棍子抽、俺這通殷勤的、着甚來由、

(紅云)姐姐則在這里等着我過去說的過休歡喜說不過休煩惱(紅見夫人科)(夫人云)小賤人怎麼不跪着你知道罪麼(紅跪云)紅娘不知甚麼罪(夫人云)你還自口強哩若實說呵饒你若不實說呵我直打死你箇賤人誰着你和小姐半夜花園裏去(紅云)不曾去不曾去誰見來(夫人云)歡郎見你兩箇去來你尚兀自推哩(打科)(紅云)老夫

人問了貴手且息怒停嗔聽紅娘說(唱)

鬼三臺夜坐時停了鍼繡共姐姐閒窮究說張生哥

哥病久啣兩箇背着夫人向書幃裏問候道夫人事

已休恩變做讎教小生半途喜變憂道紅娘你且先

行教小姐權時落後(休字不作韻說見後注)

(夫人云)他是箇女孩兒家着他落後怎麼(紅唱)

禿廝兒我則道神鍼法灸誰承望燕侶鶯儔他經今

月餘一處宿何須你一一問緣由。○○

緣由下缺二字一句

聖藥王他每不識憂不識愁一雙心意兩相投夫人  
你得好休便好休其間何必苦追求常言道女大不

中留

夫人云這事都是你箇賤人紅云非紅娘之罪皆  
老夫人之過也夫人云這賤人倒說下我來怎麼  
是我之過紅云豈不聞信者人之根本人而無信  
不知其可也當日軍圍普救寺夫人所許退軍者  
以女妻之張生非慕小姐顏色豈肯建退軍之策  
兵退身安夫人悔却前言豈得不爲失策乎既然  
不肯成其事只合酬之金帛令張生舍此而去却  
不當留書舍使怨女曠夫各相窺伺所以有此一  
端老夫人若不息此事一來辱莫相國家譜二來  
張生名望不輕既已施恩於人忍令反受其辱便  
到官司夫人亦有治家不嚴之罪也唱

麻郎兒一箇是文章魁首、一箇是士女班頭、一箇通

徹三教九流、一箇曉盡描鸞刺繡

刺音戚叶上聲

么世有便休罷手、大恩人怎做敵頭、起白馬將軍故

友斬飛虎叛賊草寇、

絡絲娘不平共張解元參辰卯酉、便是與崔相國出

乖弄醜到了干連、着自己骨肉、夫人索體究

肉叶柔去聲

夫人云這賤人也說的是、不合養了這箇不肖之

女、待經官呵、玷辱家門罷罷、俺家無犯法之男、再

婚之女、與了這賤罷、紅娘喚那賤人來者、紅見旦

云姐姐且喜那提子則是滴溜溜在我身上、喚我

直說過了、夫人如今喚你來完成親事哩、旦云羞

人答答的、怎麼見我娘、紅云娘眼前有甚麼羞羞

呵休做我

說你聽、唱

**小桃紅**

你那月明纔上柳梢頭，却早人約黃昏後。羞

的俺腦背後將牙兒襯衫袖，怎凝眸。看時節則見鞋

底尖兒瘦，一箇恁情的不休，一箇嗟聲兒厮耨。那時

節不害半星兒羞。

嗟音

**旦**見夫人科。夫人云：鶯鶯，我怎生擡舉你來。今日做的好勾當，則是我的業障，待怨誰的是。我待經官來尋莫你父親，似這等事，不是俺相國人家做出來的。罷罷，誰想俺養女的不氣長。紅娘，書院裏喚將那禽獸來。**紅**喚生了。**生**云：小姐子喚小生怎麼。**紅**云：你的事發了。如今老夫人喚你來，將小姐配與你哩。小姐先招了也。你過去。**生**云：小生惶恐。怎麼見老夫人。當初誰在老夫人行說來。**紅**云：你休作小心，老着臉子過去，則便了。**臉音**斂。**旦**唱：

么既然泄漏，怎甘休。是我呵先投首，他如今陪酒陪



茶倒攪就你休愁何須把定通媒媾我擔着箇部署

不周你元來苗而不秀你是箇銀樣蠟鎗頭首去聲攪音軟

人蠟銀筠作

生見夫人科夫人云

好秀才豈不聞非先王之德

行不敢行我待送你官府去來恐辱莫了俺家謙

我如今將鶯鶯配與你爲妻則是俺家三輩不曾

招白衣女婿你明日便上朝取應去我與你養着

息婦得官呵來見我剝落呵休

來見我紅云張生你喜也唱

東原樂相思事一筆勾早則展放從前眉兒皺美愛

幽懽恰動頭既能勾張生你覷兀的般可喜娘龐兒

要人消受下勾字去聲

夫人云明日收拾行囊安排酒殺果盒請長老一

同送張生到十里長亭餞行去者旦念寄語西河

堤畔柳、安排青眼送行人。夫人同旦下。（經云）張生，你怎麼謝我的是？如今早則喜也。（唱）

收尾。來時節、畫堂簫鼓鳴春晝，列着一對兒鸞交鳳友。恁時節、纔受你說媒的紅，方喫你謝親的酒。（下）

### 注一十四條

#### 鬪鵲鵲

夜去明來、與天長地久對、握雨攜雲、提心在口、與帶月披星、停眠整宿對、提心在口、時時掛念之謂、誰教他、指張生也。心。數。猶。言。心。事。傷。傷。傷。小人之貌、諸本俱作懶、非本音上聲粗叟反、字書並無作平聲音者。關漢卿謝天香劇、醉春風第四疊字句、我今日箇好

着夫人  
說方與  
上下文  
氣相接

側。側。詞。不。隄。防。夫。人。情。性。側。巧。語。花。言。二。句。  
指。夫。人。說。言。夫。人。能。爲。巧。語。花。言。將。沒。尚。要。作。有。況。  
實。有。之。事。其。能。掩。乎。俗。本。添。使。不。着。三。字。却。屬。紅。娘。  
身。上。謬。甚。徐。云。全。套。具。稱。妙。絕。

### 紫花兒序

此。正。夫。人。之。巧。語。花。言。將。沒。作。有。處。猜。字。總。管。三。語。  
饒。頭。妙。甚。今。本。作。牽。頭。謬。你。這。些。時。你。字。亦。替。夫。人。  
口。氣。說。直。管。至。末。言。夫。人。已。見。得。你。容。態。較。別。也。應。  
夫。人。賓。白。腰。肢。體。態。比。向。日。不。同。意。出。落。猶。言。出。類。  
正。對。別。樣。皆。形。容。其。甚。之。詞。董。詞。陡。恁。地。精。神。偏。出。

跳轉添嬌、渾不似舊時了。舊時做下的衣服、一件小  
眼、睜眉低、曾乳高。

### 金蕉葉

此亦體。夫人。口氣說。迤逗。有引誘之意。董詞。迤逗得。  
鶯鶯去。推探張生病。詞隱生云。當作拖逗。然元詞多。  
作迤逗。武林舊事。載元夕。京尹取獄囚數人。列荷校。  
大書犯由云。某人爲搶撲釵環。挨搪婦女。蓋犯由者。  
犯罪之由。卽今供招之類。元羅貫中龍虎風雲會劇。  
元來這犯由牌。先把我渾身具。

### 調笑令

董詞繡幃深處效綢繆繡鞋水透水字俊甚實甫芙蓉亭劇露華涼水透繡羅鞋又要你只溫和我浸冷的羅鞋更俊俗改作湮透非通殷勤的紅娘自指言鶯向日受用卽今日夫人嗔責亦所甘心我不過是爲你通殷勤的人前日如此淒涼自忍今又受責何所利而連累我也首句當二字句當韻觀前後曲可見

### 鬼三臺

徐云回話夫人妙絕末二語更俊董詞此段微傷直致須讓實甫數籌夫人事已休恩變做讐元是一句

少句誠  
然但不  
易補耳

休字不必作韻調法如此

### 禿廝兒

董詞經今半載雙雙每夜書幃裏宿音羞上聲已恁地出

垂弄醜此調尾須用五字句次二字句收前後諸調

可見何須一一問緣山下少二字一句

### 聖藥王

董詞一雙兒心意兩相投夫人自甚閒疙皺常言道

女大不中留女大不中留蓋古語也

### 麻郎兒

董詞碧瑞又多才藝姐姐又風流及般涉調凡十一

對偶實甫省而爲四、

幺

首六字作三句、總之言世間自有宜便于休而罷手之事也、敘他退兵之恩、亦拿倒夫人喫緊語、更不可少記中凡乾休、或作干休、朱本作甘休、詞隱生云、甘休、乾休、皆可、干休、則傳訛耳、

絡絲娘

參辰二星、分居卯酉、常不相見、言今日發露其事、不是離拆得張生、是辱莫了先相國耳、董詞夫人休出、只怕旁人知道、到頭贏得自家羞、

小桃紅

秦少游詞，月在柳梢頭，人約黃昏後，脂背後勿斷，一直下至衫袖，元係七字句，不然與上黃昏後押兩後字矣，怎凝眸，言羞而不堪看也，鞋底尖兒瘦，語俊甚，唯作聲貌，徐云，北人謂相昵曰擗，關漢卿金線池劇有擗處散誕，鬆寬着擗，又散套不記得低低擗，那時不害半星兒羞，正應賓白娘跟前有甚羞意，徐云，褻而雅，真妙手也。

幺

潤、接、準之謂，擗就、擗物而就之也，把定謂下聘也，董



詞不須把定、不用通媒媾、風光好劇、我等駟馬車爲  
把定物、五花誥是撞門羊、部署不周、夫人托紅娘管  
束鶯鶯、如部署軍旅然也、紅言如今此事既然漏洩、  
夫人如何就肯甘休、我只得從實投首、他如今亦無  
可奈何、倒索賠酒賠茶、搓掇你去成這親事矣、你却  
何須愁說惶恐、怎去見他、如前白所云、又何須執定  
要下聘定、通媒媾、而不將錯就錯成就之耶、況我尚  
不辭管束不周之罪、你反有頭無尾、不成結果、如蠟  
鎗頭之不中用然、又何爲耶、徐云、蓋往往見其臨機  
不決、以致失事、故極口慫恿之也、鈞本人樣蠟鎗頭、

其  
銀樣蠟  
鎗頭爲  
其

注謂與後人樣蝦蟆一例，謂其人之樣而實與蠟鎗頭無異，見其無用也。諸本作銀樣蠟鎗頭，朱本又作銀鎗頭。元劉庭信詞：蠟打鎗頭軟麻禁。百花亭劇：我是箇百花亭墜了榜的蠟鎗頭，則當從蠟今並存之。

### 東原樂

展放從前眉兒皺，俊語也。前時歡愛，猶帶憂懼，今始無所顧憚，故曰恰動頭。徐云：可喜娘等句，看着只似等閒，却剛合此處語，非苦心不能下一句字。猶言到手也。此二句重要字及人字看，言如此美麗之人，須是張生這樣人，纔能受用之也。

# 收尾

此以功名成就遠大之事期之言待你及第後成親之時纔受你謝也應白你怎生謝我的是兩句

## 三套

今本第十五折

## 傷離

夫人同長老上開今日送張生赴京就十里長亭安排下筵席我和長老先行早到長亭不見張生和小姐來到旦生紅同上旦云今日送俺張生上朝取應早是離人傷感況值暮秋時候好煩惱人也呵旦念悲歡離別一杯

酒南北東西十里長亭唱

正宮端正好碧雲天黃花地西風緊北鴈南飛曉來

誰染霜林醉總是離人淚

滾繡毬恨相見的遲怨別去的疾柳絲長玉聰難繫

恨不得倩疎林掛住斜暉馬兒運運行車兒快快隨  
恰告了相思迴避破題兒又早別離聽得道一聲去  
也鬆了金釧遙望見十里長亭減了玉肌此恨誰知

疾叶精妻  
反、運、音允

紅云今日姐姐怎麼不打扮  
云紅娘呵你那知我心裏唱

叨叨令

見安排着車兒馬兒不由人熬熬煎煎氣有

甚心情花兒靨兒打扮的嬌嬌滴滴媚準備着被兒

枕兒則紫昏昏沉沉睡從今後衫兒袖兒都揜做重

重疊疊淚則被他閃殺人也麼哥閃殺人也麼哥又

已後書兒信兒

紫與他恹恹惶惶寄

靨叶益  
夜反

做到了科見夫人了夫人云張生和長老坐小姐  
這壁坐紅娘將酒來張生你向前來些你是自家  
骨肉親眷不要迴避俺今日將鶯鶯既配與你你  
到京師休辱莫了俺孩兒揜揣一箇狀元回來者  
生云小生托夫人餘蔭憑着智中之才覲官爵如  
拾芥耳本云老夫人主張不差料想張生不是落  
後的人把酒了  
坐旦長吁科唱

脫布衫下西風黃葉紛飛染寒烟衰艸淒迷酒席間  
斜簷着坐地蹙愁眉死臨侵地

小梁州我見他閣淚汪汪不敢垂恐怕人知猛然見  
了把頭低長吁氣推整素羅衣

么雖然久後成佳配這時節怎不悲啼意似癡心如  
醉則是昨宵今日清減了小腰圍

夫人云小姐把盞者且把盞科遞本與夫人了

且低聲面生云張生我手裏喫一盞酒者唱

上小樓合歡未已、離愁相繼、前夜私情、昨暮成親、今日別離、我恰知那幾日相思滋味、誰想這別離情更增十倍、

么年少呵輕遠別、情薄呵易棄擲、全不想腿兒相壓、臉兒相偎、手兒相攜、你與那崔相國做女婿、妻榮夫貴、但得箇並頭蓮、紫羅如狀元及第、擲叶

紅云姐姐你不曾喫早飯、飲一口湯波、且云紅娘呵甚麼湯嚥的下去也唱

滿庭芳供食太急、須臾對面、頃刻別離、若不是酒席間子母每當迴避、有心與他舉案齊眉、俺則廝守得

一時半刻也。令教夫妻每共草而食。眼底空留意。尋

思就裏險化做望夫石。

空留一作風流。急叶几。刻叶

夫人云紅娘把盞者紅把酒科旦唱

快活三將來的酒共食。嘗着似土和泥。假若便是土和泥。也有些土氣息。泥滋味。

朝天子。緩溶溶。玉醅白泠泠。似水多半是相思淚。眼

面前茶飯怕不待喫。恨塞滿愁腸。只爲蝸角虛名。

蝨頭微利。折鴛鴦兩下裏。他在那壁。我在這壁。一遞

一聲長吁氣。

醅音坯。筠作杯。喫叶。駭壁叶比。

夫人云。輾起車兒。俺先回去。小姐隨後。和紅娘來。拜辭夫人科。夫人云。別無他囑。願以功名爲念。

疾早回來生拜本科本云此一行別無話說貧僧准備買登科錄看做親的茶飯少不了貧僧的先生在意鞍馬上你重來本念從今經懺無心禮專聽春雷第一聲下旦唱

四邊靜霎時間杯盤狼籍車兒投東馬兒向西兩處

徘徊落日山橫翠知他今宵宿在那里有夢也難尋

覓籀借叶濟覓  
叶米去聲

旦云張生此一行得官不得官疾早便回來生云小姐心兒裏難舍小生這一去白奪一箇狀元真乃是青雲有路終須到金榜無名誓不歸旦云若行別無所贈口占一絕為君送行旦念棄擲今何道當時且自親還將舊來意憐取眼前人生云小姐之意差矣張珙更敢憐誰謹庶一絕以剖寸心人生長遠別就與最關親不遇知音者誰憐長美人旦唱

耍孩兒淋漓襟袖啼情淚比司馬青衫更濕伯勞東



去燕西飛未登程先問歸期雖然眼底人千里且進  
生前酒一杯未飲心先醉眼中流血心內成灰

濕叶世上

聲中古作將

內古作已

五煞到京師服水土趁程途節飲食順時自保揣身

體荒村雨露宜眠早野店風霜要起遲鞍馬秋風裏

最難調護最要扶持

揣平聲

四煞憂愁訴與誰相思只自知老天不管人憔悴淚

添九曲黃河溢恨壓三峯華岳低到晚來定把西樓

倚見了些夕陽古道衰柳長堤

溢叶異

三煞笑吟吟一處來哭啼啼獨自歸歸家若到羅幃

裏昨宵繡衾香煖留春住、今夜翠被生寒有夢知、留  
戀應無計、見據鞍上馬、各淚眼愁眉、

〔生云〕有甚言語囑付小生、

二煞你休憂文齊福不齊、我怕你停妻再娶妻、你休  
要一春魚鴈無消息、我這里青鸞有信頻須寄、你休  
得金榜無名誓不歸、此一節君須記、若見異鄉花草、  
再休似此處棲遲、

〔生云〕再有誰似小娘小  
生又生此念哩、

一煞青山隔送行、疎林不做美、淡烟暮靄相遮蔽、夕  
陽古道無人語、禾黍秋風聽馬嘶、懶上車兒內、來時

甚急去後何遲

紅云老夫人去遠了  
姐姐咿去來旦唱

收尾四圍山色中一鞭殘照裏遍人間煩惱填骨髓

量着這大小車兒如何載得起臆叶

下生云僕童趕早行一程兒尋宿處  
生念淚隨流水急愁逐野雲低下

注一十九條

端正好

范希文詞碧雲天黃葉地葉字易花字平聲從調耳

董詞君不見滿川紅葉盡是離人眼中血

滾繡毬

字義聯  
然一洗  
魯魚之  
際

徐本怨別去的疾諸本作歸去似別字勝運運音隕  
隕緩行之意北人鄉語也亦見字書張生之馬有遂  
巡留戀之意故曰運運鶯鶯之車有倥偬趨逐之意  
故曰快快舊諸本或作逆逆或作述述或作慢慢下  
快快或作快快或作慢慢逆逆語既不通述字本音  
平聲慢慢復傷俚鄙上既云運運則下當以快快爲  
對蓋逆逆述述快快皆字形相近之誤今直改正破  
題兒猶言起頭也言昨夜成親恰纔迴避得箇相思  
今又增箇別離之恨也徐云鬆釧二句與聽琴折一  
字字更長漏永二句俱傷過狠

叨叨令

董詞衫袖上盈盈搵淚不絕書兒信兒句悲愴之極言日後卽寄書與張亦不免恹惶不堪也詞隱生謂望張生寄書與已不知此對紅娘之詞非面生語且云望生則與上文語氣全不相接又古本元作索與他他字明指張生今本訛作我不足憑也

脫布衫

發朱本作僉斜發着坐傷離恨別坐不能正也臨侵語詞蕭淑蘭劇害得我瘦骨岩岩死臨侵關漢卿望鄉亭中秋切鱸且劇可怎生獨自箇死臨侵地兩地

字皆助詞、然重用殊疵、徐云、上地字當刪去、玉鏡臺  
劇、我幾曾穩穩安安坐地、則坐地係現成口語、似不  
可去、金本作坐的、亦後人避地字而強易之者、然似  
不成語耳、

### 小梁州

古詞尊前只恐傷郎意、閣淚汪汪、不敢垂、閣淚汪汪、  
鸞指已言、恐人之知、故閣淚而不敢垂、偶然被人看  
見、故把頭低、而推整素羅衣也、

幺

清減了、小腰圍、與前鬆釧、減肌重、

· 上小樓

前夜私情、指未成親時言、我恰知相思滋味之苦、今別離之苦、覺比相思、更增十倍也、番上恰告子相思、迴避兩句意、俗本作比別離情、更增十倍、謬。

幺

惟年少、所以輕遠別、惟情薄、所以易拋擲、全不想三句、俚而率、夫不成語、此怨張生之重功名而輕別離、言你爲相國女婿、便是夫榮妻貴了、但得長相守爲並頭之蓮、足矣、何必狀元及第、而去應舉爲耶、並頭蓮、同枕譚語也、關漢卿謝天香劇、咱又得這一夜並

頭蓮

滿庭芳

此詞俗本自俺則廝守得一時半刻以下作么篇非此怨夫人令已與張生異席而不得親近之詞供食太急以紅娘勸飲口湯水言不要趨急我與生不過須臾聚首也眼底空留意古本作風流意徐云言前月風流況味只在眼前今便如此間隔如此別離尋思到此幾於化石也然與上文語不蒙意亦稍遠不若從今本謂面前間隔如此卽今日席間便幾化石爲妥耳



快活三

董詞喫下酒、沒滋味似泥土。

朝天子

玉醅、古本作玉杯、詞隱生云、玉醅勝古詞、莫恨銀餅  
酒盡、但將妾淚添杯、董詞、一盞酒裏、白泠泠的滴、  
半盞來淚、茶飯勿斷、怕不待喫、徐云、只是不喫二字、  
蘇子瞻詞、蝸角虛名、蠅頭微利、筭來着甚乾忙、一遞  
一聲、謂已與張生也、

四邊靜

董詞、頭西下、控着馬、東回馭、坐車兒、較拙、又馬兒向

聲作  
去上妙

西行車兒往東拽故不如車兒投東馬兒向西語簡而俊也有夢也難尋覓朱本作有夢兒尋覓亦通

### 耍孩兒

董詞我郎休怪強牽衣問你西行幾日歸又未飲心先醉古本眼將流血心已成灰似不如從今本爲安二語虛說俗注以商人事爲證可笑

### 五煞

順時自保揣身已言須揣其身之勞苦而因時保護之也然語殊拙

### 四煞

定字未  
然之詞  
合前不  
盡作悶  
字便頭  
巾矣

老天不管人憔悴、及下淚添九曲黃河溢二句、俱屬  
欠雅、徐云、黃河華山、並張之去、所經山水、故引之耶、  
不爾似涉泛、到晚來定把西樓倚、俗本改作悶把、正  
可與一方明月可中庭、改作滿中庭作對、

### 三煞

董詞離筵已散、再留戀應無計、各淚眼愁眉、指口  
張生欲留戀而無計可留、所以當據鞍上馬、而各淚  
眼愁眉也、俗本作悶非、

### 二煞

金榜無名誓不歸、應前白語、秦少游詞、一春無

消息、千里關山勞夢、董詞、囑付情郎、若到帝里、帝里酒釀花穠、萬般景媚、休取次共別人、便學連理、

### 一煞

送來之時、不覺其速、歸去之後、却恨其遲、又與前恨相見得遲、怨別去得疾、及車兒運運行、馬兒快快隨翻案、夕陽古道、重前、

### 收尾

解大小作多少妙甚引證的確能令俗子咋舌  
大小北人鄉語謂多少、詞隱生云、猶言偌大也、徐云、宋儒語錄多用之、邵康節謂程明道兄弟大小聰明、董詞、大小身心、特下打疊不過、又悶打孩地倚着窗、

臺兒聰、你尋思大小鬱悶、又藍采和劇出來的偌大  
小年紀、又馬東籬薦福碑劇、他那年紀兒是大小、可  
證俗本却改云、量着這些大小車兒而釋之者、於大  
字下一斷、謂這些大的小車兒如何載得起、以爲獨  
得之見、俗士復群然賞之、毋論元本元意、元不如此、  
卽如此作句、寧得成語也、蓋鶯從荒郊衆旅中、見往  
來之車甚多、其形容已之離愁、無可比擬、故言舉目  
之間、量着這多少車兒、可載得起耶、非真大小之謂  
也、

四套

今本第十六折

入夢

〔生〕引僕童騎馬上開，離了蒲東二十里也。兀的前面草橋店宿一宵，明日早行，這馬百般不肯走。〔生〕念行色一鞭催瘦馬，

〔生〕念行色一鞭催瘦馬，

雙調新水令。望蒲東，蒲寺暮雲遮，慘離情半林黃葉。

馬遲人意懶，風急鴈行斜，愁恨重疊，破題兒第一夜。

〔葉〕時夜，

〔生〕云：想着昨夜的受用，便是今日的淒涼。唱。

步步嬌。昨夜箇翠被香濃薰蘭麝，敲珊枕把身軀兒

起，臉兒厮搵者，子細端詳，可憎的別，鋪雲髻玉梳斜。

恰似半吐初生月。

〔起〕音且去聲，別，叶邦也。反，月，叶魚，夜反，後同。

〔生〕云：早到也。店小二哥那里，外扮店小二哥上云：請官人俺這頭房裏下者。〔生〕云：琴童接了馬者。點。

上燈我諸般不要喫睡些兒咱僕云小人也辛苦  
了待歇息也哥哥云哥哥小人在牀前打鋪做睡科生  
云甚睡到得  
我眼裏唱

落梅風

旅館敲單枕秋蛩鳴四野惱人情紙牕兒被

風裂乍

孤眠被兒薄又怯冷清清幾時溫熱

蛩音窮裂叶郎

夜反怯叶丘也反  
後同熱叶仁蔗反

生睡科旦入夢云長亭畔別了張生好生放心不  
下老夫人和紅娘都睡了我私奔山城趕上他和  
他同去也唱

喬木查

走荒郊曠野把不定心嬌怯喘吁吁難將兩

氣接疾忙趕上者做箇打草驚蛇

接叶姐

攬箏琶他把我心腸見捨不避路途賒穩下俺那能

拘管的夫人說過俺廝齊攢的侍妾想着他臨上馬  
痛傷嗟和我也哭得似癡呆不是我心邪自別離已  
後到西日初斜愁得來陡峻瘦得來啍嚙可早覺掩  
過翠裙三四摺誰曾經恁般磨滅

捨音拙妾音且呆音耶啍嚙音車遮

摺叶者滅叶迷夜反

錦上花有限姻緣方纔寧貼無奈功名使人離缺害  
不到愁懷恰纔較些掉不下思量如今又也清霜淨  
碧波白露下黃葉下下高高道路回折四野風來左  
右亂颺我這里奔馳他何處困歇

貼叶湯也反缺叶區也反折叶者颺叶徐靴反歇叶虛也反



清江引 呆打孩店房兒裏沒話說悶對如年夜暮雨  
催寒蛩晚風吹殘月看今宵酒醒何處也

說叶書遮反後同醒

平聲

旦云在這座店裏下我敲門咱  
生云誰敲門哩是

一箇婦人聲音我且開門看咱這早晚是誰唱

慶宣和 是人呵疾忙快分說是鬼呵合速滅

旦云是我老夫

人睡了我想你了呵幾時  
便得見特來和你同去  
生唱  
聽說罷將香羅袖兒拽

却原來是你姐姐姐姐  
夜拽

生云難得小姐

的心腸也唱

喬牌兒 你是爲人須爲徹將衣袂不藉繡鞋兒披露

水沾泥惹脚心兒管踏破也

徹叶扯藉叶借

(旦云)我爲足下呵，願不得過通。  
(旦唧唧了唱)

甜水令  
我想那廢寢忘食，香消玉減，花開花謝，猶自較爭些。便枕冷衾寒，鳳隻鸞孤，月滿雲遮，尋思來又甚傷嗟。

折桂令  
想人生最苦離別，可憐見千里關山，獨自跋涉。似這般割肚牽腸，倒不如義斷恩絕。你勸我一時問花殘月缺，你休做瓶墜簪折，不戀豪傑，不羨驕奢。生則同衾，死則同穴。

靴反

別叶平聲，涉叶蛇，絕叶藏，靴反，折亦叶蛇，傑叶其邪反，穴叶胡。

(外扮衆卒子上，叫云)恰纔一女子渡河，不知那里去了，打起火把者，走入這店裏去了，將出來，將出

來（生云却怎了旦云你近  
後我自開門與他說也（唱）

水仙子硬圍着普救下銀瓶強當住咽喉仗劍賊

心腸饒眼腦天生劣休言語靠後些杜將軍您知道

他是英傑觀一觀教你爲了醢醬指一指教你化做

臂血騎着匹白馬來也（銀七消反撇叶渠靴反銀與月同叶劣叶郎夜反醢音海）

臂音遼血

叶希也反

（外捨旦下生叫小姐僕云哥哥怎麼生云做了二

場夢開得門兒看但見一天露氣滿地霜華曉星

初上殘月猶明生念無端燕雀

高枝上一枕鴛鴦夢不成唱

鴈兒落綠依依牆高柳半遮靜悄悄門掩清秋夜疎

刺刺林梢落葉風昏慘慘雲際穿窻月

德勝令

驚覺我是顛巍巍竹影走龍蛇原來是虛飄

飄莊子夢蝴蝶絮叨叨促織兒無休歇韻悠悠砧聲

兒不斷絕痛煞煞傷別急煎煎好夢兒應難舍冷清

清的客嗟嬌滴滴玉人兒何處也

蝶叶爹叨音从舍上聲

僕云天明也唱早行一程前面打火去生云店小二哥算還你房錢韜了馬者生念執手臨岐別細

君據鞍末語已消魂舉頭日近長安遠暮暮朝朝莫倚門唱韜音備

鴛鴦煞柳絲長咫尺情牽惹水聲幽彷彿人嗚咽斜

月殘燈半明不滅舊恨連綿新愁鬱結別恨離愁滿

肺腑難淘瀉除紙筆代喉舌千種相思對誰說

咽叶衣也

反結叶機也反舌音蛇

小紅娘成好事

老夫人問由情

正名

短長亭斟別酒

草橋店夢鶯鶯

注一十四條

新水令

董詞動是經年，少是半載，恰第一夜破題兒見前言，  
愁恨纔起頭也。

〔白〕想昨夜的受用，便是今日的淒涼，言不想昨夜  
那樣受用，便變做今日這樣淒涼，見容易離闊也。  
步步嬌

此正追想昨夜之受用，可憎的別言，可愛得異樣也。

## 喬木查

徐云、打草驚蛇、只用見成語、以驚蛇喻已趕趁之疾速、打草二字、元不要緊、特不可削去之耳、却用不得王魯事爲解、又云、大抵詞曲引成句、如摘花不揀枝、葉、如此處不揀出打草二字、前怎生教十年窻下無人問句、只言其人之可愛、十年窻下四字、本無要緊、而亦不揀去、又紅娘責教張生所取者、只人散二字、而不揀出酒闌二字、皆此類、又有取渾成一句而拆爲兩用者、如鶯拜兄妹處、本是殷勤欽敬、於禮當合、而兩用之曰、殷勤於禮、欽敬當合、使板渾讀之、必成

削圓方竹矣。如此戲用，自是作家一種別趣。然打草驚蛇語，元詞常用。百花亭劇，任從些打草驚蛇，大略亦疾忙驚動之意，似不必只以驚蛇二字喻行之疾速也。

### 攪箏琶

又洗一番冤屈

此曲比元調多。自別離已後，以下四句變體也。捲裂開也，穩下安頓也。厥齊攢，卽前影兒也，似不離身也。董詞哭得俏，似癡呆。陡峻高貌，嗔噉形容其瘦甚之意。董詞那一和煩惱，嗔噉此調多句。元譜不載，然亦不能備載。元詞諸調增減，他曲類可攷見。白仁甫秋

夜梧桐雨劇攪箏琶曲較元譜亦多數句正此格也  
金本不知遂妄以已意削去愁得來陡峻及末翠裙  
二句止以瘦得來啾噓收調且訾掩翠裙句與瘦得  
來句意重不知掩過翠裙三四摺正俊語可賞而謂  
翠裙之掩過正以足瘦得來啾噓意也蘇長公謂小  
兒強作解事正此

### 錦上花

董詞正美滿被功名使人離缺有限姻緣有分限之  
姻緣也害不測猶言害不了較些略可些也言向時  
之愁懷以成親而較可向時之思量以別離而又掉



不下也。楚風吹盤旋之貌。元詞羊角風。楚地楚天。回折。或作回折。雍熙樂府作曲折。曲字聲不叶。皆字形相近之誤。

### 清江引

此皆言張生旅館淒涼之狀。董詞牀上無眠。愁對如年夜。末句亦代張生說客程未免沽酒。醒看已非昨夜歡娛之處。驚疑不知身在何處也。柳耆卿詞。今朝酒醒何處。楊柳外。曉風殘月。

### 慶宣和

末却元來是俺姐姐。姐姐。姐姐。係疊句。見前張解元識人。

多折俗本去下姐姐二字及古本下句亦有却元來  
是俺五字俱非董詞是人後疾忙快分說是鬼後應  
速滅云云却是姐姐那姐姐兩後字及那字俱助語  
詞

### 喬牌兒

爲人須爲徹是有始有終之意不藉丟棄之意言衣  
服都不顧繡鞋都沾濕也董詞事到而今已不藉又  
幾番待撇了不藉可證

### 甜水令

此下三調皆鶯唱曲也古注以爲張生代鶯之詞殊

酌是滿  
字之誤

謬第謂俱作別後說不必以前四句爲追憶往事較是蓋賓白言我爲足下顧不得迢遞故言今日之別離便離思縈牽捱過時日花開花謝猶爲較可但就影隻形孤纔團圓而忽分散其何以堪所以尋思來又甚傷嗟而今來追及你欲同去也舊月圓雲遮遮字平聲不吐牆頭馬上劇方信道花發風篩月滿雲遮或滿字之誤蓋第二字仄則第四字平不妨矣今更然前云半吐初生月又云曉風吹殘月後又云花殘月缺又云雲際穿窻月又云斜月殘燈半明不滅并此凡六見不免重疊

## 折桂令

張生蓋言今日離別、不久相會、故鶯鶯言你固以此言勸我、但我只慮你做銚墜簪折、半路拋棄、如使妾有白頭之嘆等語、若我則一意從君、不羨他人之豪傑、驕奢而生死以之也、豪傑驕奢、只泛語、俗本作只戀豪傑、反墮俗境、銚墜簪折、用白樂天詩語、詩穀則異室、死則同穴、

## 水仙子

硬圍普救三句、指孫飛虎、休言語、靠後些、指卒、天下又舉杜將軍以懼之也、顧本醢醬、醢音海、肉醬也、禮

記有醢人。史記漢誅彭越盛其醢。遍賜諸侯。諸本俱作醢。不倫以字。形相近而誤。然據譜得平聲。乃𠵿。或當作𠵿。醬耳。𠵿音尼。亦肉醬也。𠵿與醢或音相近之誤。管音遼。腸間脂膜也。詩取其血管。一本作醬血。醬音與管同。醢酒之外無他解。古本作膿血。語殊不雅。董本作都教化。醬血實甫語本出此。恐亦管醬字形相近之誤。徐云。全篇皆夢中語。從天而降。模寫如畫。

### 鴈兒落

三曲賦旅邸夢回之景。淒絕可念。董詞閃出昏慘慘的半窻月。

莊子改  
得極長

# 德勝令

爲竹聲驚覺、始知是夢、莊子元作莊周不吐、說見第  
三折董詞、急煎煎的促織兒聲相接

## 鴛鴦煞

柳絲之長、將情牽惹、水聲之幽、似人嗚咽、崔娘書所  
謂觸緒牽情也、咫尺猶云近似、古本千種風流對誰  
說、風流、今本作相思、徐云、風流是稱述鴛鴦之情況、然  
上文皆說旅邸淒涼、此結語不應突稱鴛鴦之風流、當  
從今本、言今夜相思、非紙筆以紀、則此恨無從說與  
他人、蓋爲下折寄書地也、

新校注古本西廂記卷五

此卷徐士範本直署漢卿撰今無確證

山陰徐渭附解

元大都王實甫編 吳江詞隱生評

明會稽方諸生校注 明古虞謝伯美

山陰朱朝鼎同校

第五折

楔子引曲一章 用皆來韻生

第一套商調曲一十二章 重川尤侯韻旦

第二套中呂宮一十九章 重川支思韻生

第三套越調曲一十六章 重用真文韻紅

第四套雙調曲二十章

川魚模韻  
旦紅叅

一套

今本第十七折

報第

〔生引僕人上開〕小生自去歲暮秋與小姐相別候  
經半載餘矣今小生托賴祖宗福蔭一舉及第得  
了探花郎今在旅館中聽候御筆親除惟恐俺小  
姐掛念特修家書一緘着琴童賁去達知老夫人  
和小姐使知小生得中以其安心書寫就了琴童  
你將這書星夜回河中府見小姐時說官人怕娘  
子擔憂特地先着小人賁書來疾忙索  
了回書便來日月過得好疾也呵〔唱〕

仙呂賞花時

相見時紅雨紛紛點綠苔別離後黃葉

蕭蕭凝暮靄今日見梅開忽驚半載特地寄書來

〔下僕云〕得了這書不敢久停星夜望河中府走一  
遭〔下旦引紅上云〕目張生去秋上京到今春却早

半年光景杳無音信俺這些時神思不安粧鏡  
備拈腰肢消瘦茜寬掩好生傷感人也呵〔唱〕



商調集賢賓雖離了這眼前悶却在我這心上有不能離了心上又早眉頭忘了時依然還又惡思量無了無休大都來一寸眉峯怎當他許多顰皺新愁近來痠着舊愁厮混了難分新舊舊愁似太行山隱隱新愁似天塹水悠悠

眼前勿斷

紅云姐姐往常時針線不倒其實不曾閒了一箇繡牀如今百般的悶倦往常也曾不快將息便好  
不似這番清減的  
十分利害也  
且唱

逍遙樂曾經消瘦每遍猶閒這番最陡何處忘憂看時節獨上粧樓手捲珠簾上玉鉤空目斷山明水秀見蒼烟迷樹衰草連天野渡橫舟

旦云紅娘我這衣裳這些時不似我穿的紅云姐姐是腰細不勝衣旦唱

掛金索裙染榴花睡損胭脂皺紐結丁香掩過芙蓉扣線脫珍珠淚濕香羅袖楊柳眉顰人比黃花瘦

僕上云奉俺官人言語特賞書來與小姐恰纔前廳上見了夫人夫人好生喜歡着我入去見小姐早至後廳咳嗽科紅問云誰在外面紅出見僕科紅笑云琴童你幾時來到可知道昨夜燈花爆今朝喜鵲噪姐姐正煩惱哩你自家來和哥哥同來僕云哥哥得了官也先着我送書來報喜紅云你且在這里等我對姐姐說了你入來紅笑入科旦云這小妮子又怎麼紅云姐姐大喜俺姐夫得了官了旦云這妮子見我悶特故哄我紅云我不哄姐姐琴童來在門首見了老夫人使他入來見小姐姐夫有書來旦云愧慚也我也有盼着他的日頭喚他入來僕入見旦科旦云你幾時離京師哥哥得了那里官也僕云我離京師將次一月我來時哥哥去喫遊街棍去了旦云這禽獸不省的中

了狀元、喚做誇官、遊街三日、僕云夫人說的便是、有書在此、僕遞書科旦唱

金菊香早是只因他去減了風流、不爭你寄得書來、又與我添些證候、說來的話兒不應口、無語低頭書在手、淚盈眸、

旦做開書科唱

醋葫蘆我這里開時節和淚開、他那里修時節和淚修、多管是筆尖兒未寫淚先流、寄來的書淚點兒固自有、這新痕將舊痕湮透、這的是一重愁、番做兩重愁、

旦念書科張珙再拜奉書芳卿、可人粧次、伏自去歲暮秋別違、倏爾半載、上賴祖宗之蔭、下托賢妻

之德叨中甲第卽日於招賢館寄迹以伺御筆除授惟恐夫人與賢妻憂念特令琴童齋書馳達庶幾免慮奈小生身雖遠而心常邇也恨不作鵲鵲比翼蛋蛋並驅重功名而薄恩愛者誠有淺恩貪贊之罪他日面會自當負荆請罪不備後綴一絕以奉清照張洪頤首再拜詩曰玉京仙府探花郎寄語蒲東窈窕娘指日拜恩衣畫錦是須休作倚門粧蛋蛋亦作叩叩音窮旦唱

么當日向西廂月底潛今日在瓊林宴上搗誰承望

跳東牆脚兒占了鰲頭誰承望惜花心養成折桂手

脂粉叢裏包藏錦繡從今後晚粧樓改做了至公樓

搗音義

收反

旦云琴童你喫飯不曾僕云不曾喫旦云你快取我喫的飯與他喫僕云小人一壁喫飯夫人上緊寫回書官人分付着小人索了回書便來旦云紅娘將紙墨筆硯來紅做問科寄些甚麼去旦云書

寫了也、無可表意的、有汗衫一件、裏肚一條、襖兒一雙、瑤琴一張、玉簪一枚、斑管一枝、琴童、你用心收拾好者、紅娘去取白銀十兩、與他路上做盤費、  
紅云姐夫得了官職、豈無這幾件東西、寄與他、有甚麼意思、  
旦云你怎麼知得我心中事、你試聽我說與你也、  
紅云汗衫兒主何意、  
旦唱

梧葉兒 若是和衣兒臥、便是和我一處宿、貼着皮肉

不信、不想我溫柔、  
紅云這裏肚主何意、  
旦唱常不要離了前後、守

着左右、緊緊的繫在心頭、  
紅云這襖兒主何意、  
旦唱拘管他胡行

亂走、  
宿叶修上聲、肉叶柔去聲

紅云這琴他那里自有、又將去怎生、  
旦唱

後庭花 當初五言詩、緊緊趣逐、後來七絃琴、成配偶、他

怎肯冷落了詩中意、我則怕生疎了絃上手、  
紅云這玉簪主

何意旦唱我須有箇緣由他如今功名成就我則怕撇人

在腦背後紅云這班管旦唱湘江兩岸秋當日娥皇因虞

舜愁今日鶯鶯爲君瑞憂這九疑山下竹共香羅衫

袖口逐叶道由  
反竹叶韻

青歌兒都一般啼痕湮透淚斑宛然依舊萬種情緣

一樣愁涕淚交流怨慕難收對學士丁寧說緣由休

忘舊

旦云琴童這東西收拾得  
好者僕云理會得旦唱

醋葫蘆你逐宵野店上宿休教包袱做枕頭油脂展

污了恐難酬儻或水侵雨濕休便扭我則怕乾時節

熨不開褶皺一樁樁一件件自收留

金菊香書封鴈足此時修情繫人心早晚休長安望  
來天際頭倚遍西樓人不見水空流

〔僕云〕則今日拜辭了夫人便索回去〔旦云〕琴童  
你到京師見俺官人時你說〔僕云〕說甚麼〔旦唱〕

浪裏來煞他那里爲我愁我這里因他瘦臨行時掇

賺我巧舌頭指歸期約定九月九已過了小春時候

到如今悔教夫婿覓封侯掇古  
作喫

〔下〕〔僕云〕將回書星夜  
回俺哥哥話去〔下〕

注一十三條

賞花時

紅雨謂落花也。李賀詩：桃花亂落如紅雨。忽驚半載諸本作別離半載，與上句重誤。

### 集賢賓

雖離了這眼前，謂下文之愁悶。非謂人也。直至心上有作一句讀，襯七字。首三句大略以眼前心上眉頭之愁悶錯綜成文耳。元詞忽的眼前無，依然心上有，不甫能猶云未嘗得也。李易安詞：此情無計可消除，纔下眉頭，又上心頭。范希文詞：都來此事，眉間心上，無計相迴避。隱隱古本作穩穩，入曲語殊不雅。

### 逍遙樂



陡猶俗言陵陡之意李景詞手捲真珠上玉鉤王和甫詞凭高不見芳草連天遠欲忘憂而上粧樓所見如此又增其憂也

### 掛金索

俊詞也惜下二語不對李易安詞簾捲西風人似黃花瘦

### 金菊香

前賓白謂生此一行得官不得官疾早便回來今却書至而人不至故曰說來的話兒不應口也徐云無語低頭只尋常扯湊自他人旁觀而狀之則可不應

驚之。自稱書在手。淚盈眸。一。句。下。勿。斷。手。字。元。不。作。韻。

醋葫蘆

古本淚點兒。固自有。猶言元自有也。詞隱生欲作元。自。固。元。聲相近。北人元無正音也。秦少游詞新啼痕。閒舊啼痕。

白徐云。二書皆劣。詩亦多惡。觀會真記中。崔與張。書。何等秀雅悲感。而可如此草草耶。

么

搗手搗也。以手扶攙人也。言宴之醉。而人扶攙之也。

跳東牆二句、卽連用誰承望三字、然元不相對、唐王  
保定撫言、載劉虛白與太平裴公、早同研席、及公主  
文、虛白猶舉進士、簾前獻詩曰、二十年前此夜中、一  
般燈燭一般風、不知歲月能多少、猶着麻衣待至公  
至公樓、猶今言至公堂、元詞亦常用此語、崔蓋誇已  
識人、故曰晚粧樓、今可改做至公堂矣、

### 梧葉兒

董本鶯鶯寄生、有衣一襲、瑤琴一張、玉簪一枝、斑管  
一枚、及白羅襖、汗衫、裏肚、綿襪、藍直繫、疑卽所謂絨  
衣一襲者絨  
縹青衫、襖兒、諸物、襖音院、佩絞也、每物俱有囑付之

詞然不如此詞爲後

### 後庭花

趁逐追隨之謂蘇小卿劇馮員外怕人相趁逐撒人  
腦背後俊語也簪管琴董疊字玉臺三曲俱繁而率  
此言琴而及詩似屬請客斑管亦多繁辭以娥皇自  
比亦不倫不如玉簪三語爲簡而俊元詞有怎肯孤  
負了有疼熱的惜花心生疎了沒裏彈的画眉手更  
勝

### 青哥兒

都一般啼痕湮透二句屬上曲萬古情緣以下又總

囑付之也。

### 醋葫蘆

油脂展污恐難酬言展污則難以酬贈人也大都此  
曲俱傷鏤鑿侵舊訛作浸水侵雨濕便扭等皆不成  
語油脂上元有怕字與下恐字礙今去之

### 金菊香

前此常望其歸今既不至故但修書爲寄而盼望其  
來歸之情牽繫人心者早晚且休也倚遍西樓與前  
獨上粧樓犯重人不見水空流用秦少游詞句

### 浪裏來煞

撥賺哄人也。古本作啜賺，無據。姑從今本。王昌齡詩：忽見陌頭楊柳色，悔教夫壻覓封侯。

二套

今本第十八折

酬械

〔生上云〕小生本是舉過的，便除授奉聖旨着在翰林編修國史，因此多在兩月。他每那知道我的心，甚麼文章做得成，使琴童去了。這幾日睡臥不寧，飲食無味，給假在驛亭中將息。早間太醫院差醫士來診視脈息，說是七情傷感，這太醫明說着我證候下了一貼藥去了。我這病便是虛扁也，醫不得，自離了小姐，無一日放心得下也。〔唱〕

中呂粉蝶兒 從到京師，思量心旦夕如是，向心頭則

是橫儻着俺那鶯兒，請良醫看診罷。一星星說似意，待推辭察虛實，不須看視。

醉春風醫雜証有方術治相思無藥餌鶯鶯呵你還知道我害相思甘心兒爲你死死四海無家一身客寄半年將至街叶繩未反

僕上云我則說哥哥除授了元來在驛亭抱病須索送回書去做見科生云你回來了也唱

迎仙客

疑怪噪花枝靈鵲兒垂簾幙喜蛛兒正應了

短檠上夜來燈爆時若不是斷腸詞決定是斷腸詩

寫時節管情淚如絲既不沙怎生淚點兒封皮上漬

爆今作報浪古作血

生讀書科薄命妾崔氏拜覆才郎君瑞吟兒伏自音容去後不覺許時仰敬之心未嘗少怠縱云日近長安遠何故鱗鴻之杳然莫因花柳棄妾恩情正念間琴童至得視翰墨始知中科婢妾事之如

狂郎之才望亦不辱先相國之家譜也今因琴童  
 回無以為貢聊有瑤琴一張玉簪一枚班管一枝  
 汗衫一領裹肚一條襪兒一對權表妾之真誠勿  
 勿欠恭伏乞情照不備謹依來韻遂繼一絕云聞  
 千倚遍盼才郎莫戀宸京黃四娘病裏得書知中  
 里憲前覽鏡試新粧（生云）我那風流小姐似這等  
女子張琪死也  
 死得着了也

上小樓這的堪為字史當為款識有柳骨顏筋張旭

張芝義之獻之乃此一時彼一時佳人才思俺鶯鶯

世間無二識音

么我做經呪般持符籙般使高似金章重似金鼎貴

似金貲若僉箇押字使箇令史差箇勾使則似張忙

不及印赴期的客示下使字

去聲



〔生〕拿汗衫兒科云休說文章看  
他這女工針黹人間少有唱

滿庭芳

怎不教張郎愛爾堪與鍼工出色女教爲師

幾千般用意般般是可索尋思長共短又無箇樣子

窄和寬想像着腰肢好共歹無人試想當初做時用

煞那小心兒

煞那朱作盡了

〔生云〕我知小姐心意這幾般兒東

西都有緣故一件件我都猜着唱

白鶴子

這琴當教我閉門學禁指留意識聲時調養

聖賢心洗蕩箏笛耳

四煞

這玉簫纖長如竹筍細白似蔥枝溫潤有清香

瑩潔無瑕玼

玼與批同

三煞這斑管霜枝棲鳳凰淚點清胭脂當時舜帝慟娥皇今日教淑女思君子

二煞這裏肚手中一葉綿燈下幾回絲表出腹中愁果稱心間事

一煞這襪兒鍼脚兒細似蟣子絹片兒膩似鶯脂既知你不胡行願足下當如此

快活三冷清清客店兒風淅淅雨絲絲雨兒零風兒細夢回時多少傷心事

朝天子四肢不能動止急切到不得蒲東寺小夫人

何似你見時節別有甚閒傳示

僕云着哥哥休別繼良姻正云小姐你尚

然不知我的心裏唱我是箇浪子官人風流學士怎肯帶殘花折故枝自從到此甚的是開街市

(生云)琴童這衣服東西收拾的好者唱

耍孩兒書房中頓倒藤箱子裏面鋪取幾張綿紙放時節須索用心思休教藤刺兒抓住綿絲高掛在衣架上怕風吹了顏色亂裹在包袱中怕錯了裡兒當如此切須愛護勿得因而

四煞恰新婚纔燕爾爲功名來到此長安憶念蒲東寺昨宵愛春風桃李花開夜今日愁秋雨梧桐葉落時愁如是身遙心邇坐想行思

三煞 這天高地厚情、直到海枯石爛時、此時作念何  
時止、直到燭灰眼下、纔無淚、蠶老心中罷却絲、不比  
遊蕩輕薄子、輕夫婦琴瑟、折鸞鳳雄雌、

二煞 不聞黃犬音、難傳紅葉詩、驛長不遇梅花使、孤  
身去國三千里、一日歸心十二時、凭闌視、聽江聲浩  
蕩、見山色參差、使去聲、

尾 憂則憂我在病中、喜則喜你來到此、投至得引人  
寬卓氏音書至、險將這鬼病相如盼望死、(下)

注一十五條

粉蝶兒

董詞我心头橫着這鶯鶯一星星說似卽前白太醫  
指下明說着我証候意猶言說得着也下言我待推  
辭不是此証候他却察得虛實的確不須再看視也  
古本作其意推辭不妥

### 醉春風

董詞鶯鶯你還知道我相思甘心爲你相思死又四  
海無家一身客寄古本甘心兒爲你死下句多五字  
今刪去兩死字係疊句與前早痒痒那冷冷一例不  
容更着襯字也俗本去一死字是本調少一句矣更  
謬

### 迎仙客

古本燈爆時、今本作報、似爆字勝、元詞多用燈爆、馬致遠漢宮秋劇管喜信爆燈花、沙、助語詞、古本作血點兒封皮上漬、避上句淚字耳、然不若淚點較妥、今從淚

### 上小樓

自來無  
人道破

字史掌字之史也、款識古鍾鼎銘也、張旭、卽張顛、舊重川定誤、彼一時指顏柳諸人、此一時指鶯鶯、言鶯之才思、僅古昔數人可比、今世無與爲伍也、

幺

徐云、沒正經、却有趣、填詞中之決不可少者、董詞若使顆硃砂印便是偷期帖兒、私期會子、

### 滿庭芳

張郎愛爾、俗本作張郎愛你、入齊微韻、非、幾千般用意般般是、作句、可索尋思、又句、調法如此、而般般是三字、意實與下句相屬、言其做時曾費尋思、卽下長共短數句意、用煞那小心兒、正可索尋思也、朱本作用盡了俱佳、徐云、自是趣況可拾、

### 白鶴子

五曲裏、肚最勝、襪兒次之、斑管重、前湘江兩岸秋意

此等誤  
解獨字  
形蓋俗  
子不解  
文義不  
讀書之  
故耳

王簪塞白無謂琴詞學禁指語生識聲時或作聲詩  
徐云識當音志言記憶而不忘也似太文更詳調養  
聖賢心屬措大腐語筆笛舊作巢由蓋字形相近之  
誤東坡聽杭僧惟賢彈琴詩歸家且覓千斛水洗盡  
從來筆笛耳

三煞

霜枝棲鳳凰筠本作雙枝注又謂并兩管而吹之也  
謬甚此斑管是筆管非簫管也董詞紫毫管未曾有  
可證霜枝經霜之枝卽今所謂霜管霜毫之意也

一煞



末二句代鶯言也

### 快活三

兩兒零風兒細夢回時九字作句兩兒字襯字勿以  
風兒細作句細字元非押韻也

### 朝天子

甚的是閒街市言從不曾胡亂行走也自從到此當  
各二字成文上二字省一韻今本作自茲到此卽叶  
調然句殊不妥不從詞隱生作自始舊諸本快活三  
調上有生云臨行時夫人對你說甚麼來白一段于  
冷清清客店兒數語意既不接且此調有小夫人何

似見時別有甚閒傳示則上白復犯重凡記中多以曲代白有小夫人二句卽并白夫人說甚麼來一句亦不必用與第二折萬福先生句一例今刪去又白鶴子五曲後當卽接耍孩兒諸曲收拾簪管等物今間快活三一調總之上下文義殊不相蒙似置前四海無家一身客寄半年將至之下次序乃當耳舊本朝天子後又有賀聖朝一調賀聖朝係黃鍾宮曲此曲于本調復句字不叶金在衡以宮調不倫疑爲窠入不知少甚宰相人家招甚嬌姿語旣不通其間或有箇人兒似你你字入齊微韻不叶那里取溫柔道

般才思、又與前彼一時、此一時、佳人才思、語重、鶯鶯  
意見、怎不教人夢想眠思、是窮乞兒湊插作句、全不  
成語、首宰相人家二語、又與末套鴈兒落、若說起絲  
鞭士女圖二語、前後重複、且工拙不啻天淵、其爲小  
人窠入無疑、非直宮調之不協已也、今直刪去、

### 耍孩兒

顛倒整頓之意、舊第三句、作放時節、用意取包袱、祇  
字失韻、復與下兩句祇重、非古本怕風吹了顏色、但  
對下怕錯了、在兒多一字、今本無風字、因而見第三  
折、言當如此愛護、勿得因而輕易損壞之也、漢卿之

確論

東坡詩集卷五

卷五

香雪齋

不逮實甫、無論才情遠近、實甫直以自然爲勝場、漢卿極力刻畫、遂損天成去之更遠、

四煞

白樂天長恨歌、春風桃李花開夜、秋雨梧桐葉落時、

三煞

李義山詩、春蠶到死絲方盡、蠟燭成灰淚始乾、

二煞

今本驛長不遇梅花使、古本作路長、南史陸凱寄范曄詩、折梅逢驛使、寄與隴頭人、則當從驛爲古、而路長亦不若驛、長語俊、今從驛、江聲浩蕩、古本作浩大、

似不如浩蕩較妥、

### 尾

尾語俊甚、引人覓卓氏音書至、古本脫人字、

### 三套

今本第十九折

### 拒婚

淨扮鄭恒上開自家姓鄭名恒字伯常先人拜禮部尚書不幸早喪後又數年喪母先人在時曾定下俺姑娘的女孩兒鶯鶯爲妻俺姑夫官拜前德宗朝相國之職不想姑夫去世鶯鶯因有父服在身不曾成親俺姑娘引小姐扶靈柩回博陵安葬爲因路阻不能得去在普救寺寄居數月前俺姑娘悄悄書來喚我同扶靈柩去因家下無人事冗不能速辦以此來的遲了我離了京師來到河中府尋箇下處安歇打聽得賊徒孫飛虎領兵欲擄鶯鶯爲妻得一箇秀才張君瑞設計退了賊兵我姑娘把鶯鶯許了他我如今既到這里若沒這箇消息便自好去相見既聽得這箇消息我便撞入去

呵、沒意思、這一件事、都在紅娘身上、我且令人去  
喚他、則說哥哥從京師來、不敢造次來見姑娘、着  
紅娘來下處、有話去姑娘行說去、這去的人好一  
會了、不見來、若來呵、和他別有話說、下紅上云、鄭  
恒哥哥在下處、不來見老夫人、却喚我說話、夫人  
着我來、看他說甚麼話、見淨科哥哥萬福、老夫人  
道、哥哥來到呵、怎麼不到家裏來、淨云我甚麼顏  
色見俺姑娘、喚你來的緣故、是怎生、當日姑夫在  
時、曾許下這門親事、我今到這里、姑夫孝服已滿  
了、特地央你去老夫人行說、揀一箇吉日、成合了  
這件事、好和小姐一答里下葬去、不爭不成合呵、  
一答里路上難廝見、若說的肯呵、我重重的相謝  
你、紅云這一節、再也休題、小姐已許了別人了也、  
淨云却不道一馬不韉兩鞍、可怎生父在時、曾許  
下我、父喪之後、母倒悔親、這箇道理、那里有、紅云  
却非如此說、當日草寇孫飛虎、將半萬人馬來時、  
哥哥你在那里、若不是張生呵、那里得俺一家兒  
性命來、今日太平無事、却來爭親、儻被賊人虜去  
呵、哥哥如何去爭、淨云與了一箇富家、也不枉了  
却與這箇窮酸餓醋、我偏不如他、我仁者能仁、身

裏出身的根脚、又是親上做親、況兼  
他父命紅云他倒不如你、噤聲唱

越調鬪鵲鵲賣弄你仁者能仁、倚着你身裏出身、你  
道是官上加官、不曾教親上做親、又不曾執羔鴈邀  
媒、獻幣帛謝肯、就洗塵、便過門、枉腌了金屋銀屏、枉  
臊了錦衾繡裯、

紫花兒序枉蠶了他梳雲掠月、枉紆了他惜玉憐香、  
枉村了他殢雨殢雲、當日三才始判、二儀初分、乾坤  
清者爲乾、濁者坤、人在其中相混、君瑞是君子清賢、  
鄭恒是小兒濁民、後濁字、借

淨云賊來怎的退得、都是  
胡說紅云我對你說唱

天淨沙把河橋飛虎將軍叛蒲東虜略人民半萬兵

屯合寺門手橫着霜刃高叫道要鶯鶯做壓寨夫人

淨云半萬人他二箇濟甚麼事紅云賊圍之甚急老夫人慌了和長老商議拍手高叫兩廊不問僧俗如退得賊兵的便將鶯鶯與他爲妻忽有遊客張生應聲而言我有退兵之策何不求我老夫人大喜問其退兵之策生云我有故人白馬將軍見統十萬之衆鎮守着蒲關他修了一封書着人寄去不想書至兵臨其困卽解唱

小桃紅洛陽才子善屬文火急修書信白馬將軍到時分滅了烟塵夫人小姐都心順則爲他威而不猛

言而有信俺因此上不敢慢於人

屬音祝分去聲

淨云我素來未嘗聞其名知他會也不會  
您箇小妮子賣弄他偌多紅云休罵唱



金蕉葉憑着他講性理齊論魯論作詞賦韓文柳文

道禮數爲人做人有信行知恩報恩論平聲

淨云我便怎不如他紅唱

調笑令你直一分他是百十分螢火馬能比月輪高

低遠近都休論我拆白字辨與你箇清渾淨云小妮子省得甚

麼拆字你試拆與我聽者紅唱君瑞是箇肖字這壁着箇立人你是

箇木寸馬戶尸巾渾平聲

淨云木寸馬戶尸巾你說我是村驢屎我祖代是相門之子倒不如白衣窮士吊音見前紅唱

禿廝兒他學師友君子務本你倚父兄仗勢欺人他

齏鹽日月不嫌貧博得姓名新堪間

聖藥玉這斷喬議論、有向順官人、只合做官人、信口

噴、不本分、你道窮民到了、是窮民、却不見將相出寒

門、噴平聲

淨云這樁事都是那長老禿驢弟子孩兒、我明日慢慢的和他說話、紅唱

麻郎兒、出家兒慈悲爲本、方便爲門、橫死眼不識好

人、招禍口不知分寸、橫去聲

淨云這是俺姑夫的遺留、我牽羊擔酒、自上門、看姑娘怎麼發落我、紅唱

么、你看訕觔、發村、使狠、甚的是軟款溫存、硬打強奪

爲眷姻、不觀事、要諧秦晉、強去聲

淨云姑娘若不肯、着二三十箇伴傭、擡上轎子、到下處、呵、脫了衣裳、急趕將來、還你一箇婆娘、紅唱

絡絲娘

你須是鄭相國嫡親的舍人、倒做了孫飛虎

家生的莽軍、喬嘴臉、腌軀老死身分、少不得有家難

逢

險音

淨云兀的那小妮子、眼見的受了招安也、我也不

收尾

我則知佳人有、意郎君俊、我待不喝采、其實怎

忍

淨云你喝一聲我聽、紅

你則是韓壽下風頭的香

何郎左壁廂的粉

下淨脫衣科云這妮子擬定都和那酸丁演撒、我

明日自上門見俺姑娘、則做不知、我則說道張生

贅在衛尚書家、做了女婿、俺姑娘最聽是非、他自

小又愛我、必有話說、休說別箇、則俺這一套衣服

也衝動他、自小京師同住、慣會尋章摘句、姑夫許

我成親、誰敢將言相拒、我若放起刁來、且看鶯鶯

那去淨念且將壓善欺良意權作就雲端雨心下  
夫人上云夜來鄭恒至不來見我喚紅娘去問親  
事據我的心則是與孩兒見的是況兼湘國在日已  
許下了我便違了夫主的言語只因這廝每做  
下來了不是呵擬定則與鄭恒今他有言語怪他  
不得料辦下酒者今日他敢來見我也淨上云來  
到也不索報覆自入見去見夫人拜叫哭科夫人  
云孩兒既來到這里怎麼不來見我淨云孩兒有  
甚麼面目來見姑娘夫人云鶯鶯爲孫飛虎一節  
等你不來無可解危許了張生也淨云那箇張生  
敢是新狀元我在京師看榜來年紀有二十四五  
歲洛陽張珙誇官遊街三日第二日頭答正來到  
衛尚書家門首尚書的小姐十八歲結着綵樓在  
那御街上則一棗正打着他也騎着馬看險些  
打着我他家寵使梅香十餘箇把張生橫拖倒拽  
入去他口裏叫道我自自有妻我是崔相國家女婿  
那尚書有權勢那里聽則管拖將入去了這箇秀  
才便是他本出於無奈尚書說道我女奉聖旨結  
綵樓你着崔小姐做次妻他是先姦後娶的不應  
娶他鬧動京師因此認得他夫人怒云我道這秀

才不中擡舉、今日果然負了俺家俺相國之家、世  
無與人做次妻之理、既然張生奉聖旨娶了妻、孩  
兒你揀箇吉日良辰、你便過門、下淨云、中計了、淮  
備茶禮、花紅過門者、下本上云、老僧昨日買登科  
錄看來、張生是頭名狀元、除授着河中府尹、誰想  
老夫人沒主張、又許了鄭恒親事、眼見的老夫人  
不肯去接、我將着殺饌、直至十里長亭、接官走一  
遭、下白馬將軍上云、奉聖旨着小官主兵蒲關、提  
調河中府事、誰想君瑞兄弟一舉及第、正授河中  
府尹、不曾接得、今在老夫人宅裏下、乘此機會成  
親、小官牽羊擔酒、直至老夫人宅上、一來慶賀狀  
元、二來做主親與兄弟成此大事、左右那里將馬  
來到河中府  
走一遭、下

### 注一十三條

**白**他倒不如你作句、噤聲另讀、俗本作一句讀、却  
換倒字作道字、非

## 鬪鵲鵲

仁者能仁、誇已行止、身裏出身、誇已門第、今本執羔  
鴈邀媒、古本去一羔字、婚禮止有鴈、羔、士贄也、去羔  
字、于義似順、而與下獻幣帛、謝肯對不整、從今本、謝  
肯、舊有是語、舉案齊眉、劇想當初許了的親、他不曾  
來謝肯、俗本作問肯、非、洗塵、卽今洗泥之謂、過門、成  
親也、金屋銀屏六句、俱指鶯鶯、腌腌、不潔也、

## 紫花兒序

接上曲來、三他字、俱指鶯鶯、枉紂了他惜玉憐香、紂  
字、卽村字之意、元詞、你桂英性子實村、紂、二儀儀字、

得仄聲乃叶徐云三才以下數語却迂板且不似婢子語

### 天淨沙

半萬兵屯合寺門六字句合字襯兵屯連讀勿斷調法如此

### 小桃紅

古本及諸本調首有若不是三字遂并全詞文理不通惟秣陵本無之今從俺字猶言我家指夫人言也威而不猛指張之能退賊兵猶所謂不戰而屈人之兵也言而有信退兵能副其言也未句言我家因此

不敢慢他、而以親事酬謝之也、猛字、元不用韻、

### 金蕉葉

古本爲人做人、于義似重、然婢子只正自不妨、今本作爲人敬人、則敬字反無下落矣、下有信行、知恩報恩、俱是說張生好處、觀文勢自見、俗本添俺家裏三字、却屬老夫人非、

### 調笑令

拆白道字、頂真續麻、皆元時語也、肖字着立人、俏字也、木寸、古本作寸木、尸巾爲屈、古豕字、此却音彫、上聲、韻書無俗字也、褻詞也、前第三折末套、張生白、這

頂真續麻  
麻兒元  
劇今說  
作頂針



屈病就可董詞說得紅娘忙扯着道休廝合造恁兩箇死後不爭怎結束這秃兒

### 秃廝兒

大是腐爛、蓋鹽三句、更大湊插、

### 聖藥王

首六句兩段相對、末句總承、有向順、反言其不識向順也、官人只合做官人、正喬議論也、窮民到了是窮民、正信口噴也、古本作信口噴、噴字於信口不倫、藍采和劇都做了狂言詐語、信口胡噴、

### 麻郎兒

古謂和尚爲出家兒、冷齋夜話安和尚云、出家兒塚間樹下、辦那事、如救頭然、上二句說長老、下二句說鄭恒、

么

徐云、軟款、古語本是愿款、誤沿作軟、硬打、強斷、奪爲眷姻、作句、與下句對、打強之強、去聲、係方語、

絡絲娘

奴娼所生子、謂之家生、元詞有家生、俏、喬嘴、臉、腌、軀、老、死、身分、九字、作句、比元調增二字、各三字爲對、軀老、調侃身也、北人鄉語、多以老作觀字、如眼爲睺老、

鼻爲嗅老、牙爲柴老、耳爲聽老、手爲爪老、拳爲扣老、肚爲菴老之類、董詞煞恹恹地做些腌軀老、有家難  
逢、罵其不得還鄉也、

### 收尾

我則知佳人有意、郎君俊、言我只曉得佳人之有意、  
必待郎君之俊者、鄭恒之村蠢、何以動鴛鴦也、故下  
云、不啻采其實、怎忍、啻采、啻恒之決配不得鴛鴦也、  
末二語俊甚、徐云、蓋嘲恒縱得鴛鴦、亦不過拾人之  
殘言、其先已婚張、非處子也、香由風送、故着一風字、  
左壁廂、猶言左邊、古人尚右而卑左、故曰左壁廂、

白鄭恒云這妮子擬定都和那酸丁演撒演撒調侃謂有見前注言紅娘一定與張生有了前張生寄詩與鶯鶯只言探花郎後白又言得了探花郎董本亦言明年張珙殿試中第三人及第此後白鄭恒言張生敢是狀元法本亦云張生頭名狀元張生亦自稱新狀元河中府尹後曲又言新狀元花生滿路殊自矛盾

四套

今本第二十折

完配

夫人上開云誰想張生負了俺家去衛尚書家做了女婿今日不忘老相國遺言還招鄭恒爲婿今日是箇好日子過門準備下筵席鄭恒敢待來也生騎馬上開小官奉聖旨正授河中府尹今日衣

錦還鄉小姐金冠霞帔、都將着者、若見呵、雙手索  
送過去、誰想有今日也呵、(生念)文章舊冠乾坤內、  
姓氏新聞、  
日月邊、(唱)

雙調新水令一鞭騎馬出皇都、暢風流、玉堂人物、今

朝三品職、昨日一寒儒、御筆親除、將名姓翰林裏注

物、叶務、  
後同、

駐馬聽張珙如愚、酬志了三尺龍泉萬卷書、鴛鴦有

福、穩受了五花官誥、七香車、身榮難忘、借僧居、愁來

猶記題詩處、從應舉、夢魂兒不離了蒲東路、(福、叶麻、  
忘、去聲、

後同、

(生云)接了馬者、見夫人科云、新狀元河中府尹壻、  
張珙謹叅、夫人云、休拜休拜、你是奉聖旨的女壻、

我怎麼消的你  
拜我也（生唱）

喬牌兒

謹躬身問起居這慈色爲誰怒我則見了鬢

使數都廝覷莫不我身邊有甚事故

廝叶借平聲

（生云）

小生去時夫人親自餞行喜不自勝今日小

生中選得官夫人反行不悅何也（夫人云）你如今

那里想俺家娘兒每道不得靡不有初鮮克有終

我一箇女孩兒雖然粧殘貌陋他父爲前朝相國

若非賊來足下甚風力到得俺家今日一旦置之

度外却與衛尚書家作贅豈有是理（生云）老夫人

聽誰說來若有此事天不

蓋地不載害老大疥癩（唱）

鴈兒落

若說着絲鞭仕女圖端的是塞滿章臺路小

生云

一聞懷舊恩怎肯別處尋親去

德

豈不聞君子斷其初怎忘了有恩處那一箇

賊醜生行嫉妬走將來厮間阻不能勾嬌姝早共晚

施心數說來的無徒遲和疾上木驢

斷都亂反疾借叶去聲

夫人云是鄭恒說來綉鞋兒打着馬了你做女婿也你不信呵喚紅娘來問紅上云我巴不得見他元來得了官回來了這是非對着也生背問云紅娘小姐好麼紅云爲你別做了女婿俺小姐依舊嫁了鄭恒也生云有這般蹺蹊的事也

慶東原那里有糞堆上連枝樹淤泥裏比目魚不明

白展污了姻緣簿鴛鴦呵嫁得箇油磔來的猢猻丈

夫紅娘呵伏侍箇烟熏過的貓兒姐夫君瑞呵撞着

箇水浸來的老鼠姨夫村了風俗傷了人物

俗叶鎖猶音毛

作苗音非紅唱

喬木查妾前來拜覆省可裏心頭怒自別來安樂否

您那新夫人何處居此俺姐姐是何如覆否俱音府

生云和你也葫蘆提了也小生爲小姐受過的苦  
諸人不知瞞不得你不得能勾成親焉有是理唱

攬箏琶小生若求了息婦只目下便身殂怎忘待月

回廊撒下吹簫伴侶受了些活地獄下了些死工夫

不甫能得做夫婦至如夫人誥敕縣君名稱怎生待

歡天喜地兩隻手兒分付與剗地倒把人賍誣獄叶豫夫

婦古作

妻夫

紅對夫人云我道張生不是這般人則請小姐出  
來自問他紅叫云姐姐張生來了你出來正好問  
他且上云聽得張生得官回來我不信他直恁的  
薄情我見他呵且問他幾句出我這怒氣且見生



科〔生云〕小姐問別無恙。旦云先生萬福。紅云小姐有的言語和他說麼。旦長吁科云說甚的。唱

沉醉東風我這里不見時、準備着千言萬語得相逢、都變做短歎長吁、他急穰穰恰纔來、我羞答答的怎生覷、將腹中愁恰待伸訴、及至相逢一句也無、倒道箇先生萬福、

旦云張生、俺家有何負足下、見棄妾身、去衛尚書家為婿、此理安在。生云小姐如何聽鄭恒這廝說張珙之心、惟天可表也。唱

落梅風從離了蒲東郡、來到京兆府、至如見箇佳人、世不曾回顧、硬揣着衛尚書家女孩兒、爲了春鴈、曾見他影兒的、則教他滅門絕戶、屬叶繩朱反、後同、

（生云）這一樁事都在紅娘身上，我則將言語傍着  
他看，他說甚麼，紅娘，我問人來，說道你與小姐將  
簡帖兒去喚鄭恒來。（紅云）我不合與  
你作成，你便看得我一般了也。（唱）

甜水令 君瑞先生不索躊躇，何須憂慮，那廝本意便

糊突，俺家世清白，祖宗賢良，相國名譽，我怎肯去他

行寄簡傳書，寒叶同  
盧反、

折桂令 那喫敲才，怕不口裏嚼蛆，那廝待數黑論黃，

惡紫奪朱，俺姐姐更做道軟弱囊揣，怎嫁兀那不直

錢人樣蝦蟆，愛你箇俏東君，與鶯花做主，怎肯將嫩

枝柯折與樵夫，那廝囂虛，將足下虧圖，有口難言，氣

分破胸脯，蛆音趨，揣平聲  
分音豐，脯音黃

紅云張生你若端的不曾做女婿呵我去老夫人跟前、一力保你、等那廝來、你和他對證、紅見夫人云張生並不會別人家做女婿、都是鄭恒謊計、等他兩箇對證、夫人云既然他不曾呵、等鄭恒那廝來對證了呵、再做話說、本上云誰想張生一舉成名、得了河中府尹、老僧一逕到老夫人那里慶賀、這門親事、當初也有老僧來、老夫人沒主張、便待要與鄭恒、若是與了他、今日張生來、却怎生也、本見生敘禮科對夫人云老夫人今日始知老僧說的是、張生決不是那一等沒行止的秀才、他如何敢忘了老夫人、況兼杜將軍是證見、如何悔得他這親事旦云此一事必得杜將軍來方可唱

鴈兒落

這箇人笑孫龐真下愚、論賈馬非英物、正授

着征西元帥府、兼領着陝右河中路、

德勝令

是咱前者護身符、今日有權術、來時節定把

先生助、必將賊子誅、那廝不識親疎、啜賺良人婦、君

若不辨賢愚、便是無毒不丈夫

術叶繩  
朱反

夫人云着小姐去臥房裏去者紅旦下杜將軍上  
云小官離了蒲關到普安寺慶賀兄弟第二來  
就與兄弟成就了這親事者生與杜敘禮科云你  
兄弟托兄長虎威、誤中一舉、今日回來、本待做親  
有老夫人的姪兒鄭恒、來夫人行、謊計說道你兄  
弟在衛尚書家作贅了、夫人怒欲悔親、依舊要將  
小姐與鄭恒為妻、那里有此理、道不得箇烈女不  
更二夫杜云夫人差矣、若瑞也是禮部尚書之子  
況兼又得一舉、夫人亦不招白衣秀士、今日反欲  
罷親、莫於理上不順夫人云當初先夫在時、曾許  
下這廝、不想遇此一難、多虧張生請將軍殺退賊  
衆、老身不負前言、欲招他為婿、不想鄭恒來說道  
他在衛尚書家做女婿、因此上我怒、依舊許了鄭  
恒杜云他正是賊心、可知道誹謗他、老夫人如何  
便輕信他淨上云小人打扮的整整齊齊、則等過  
門做女婿、今日好日頭、牽羊擔酒過門走一遭去  
淨見生與杜生云鄭恒你來怎麼淨云苦也、小人  
聞知狀元回來、賀喜杜云你這廝怎生要誑騙人

妻行不仁之事，我跟前有甚麼話  
說。我聞奏朝廷，誅此賊子。（生唱）

落梅風 你硬撞入桃源路，不言箇誰是主，被東君把  
箇蜜蜂兒攔住，你聽咱綠楊影裏啼杜宇，一聲聲道  
不如歸去。

（杜云）那廝不去呵，祇候人拿下了。（淨云）不必拿，小  
人自退這親事與了張生罷。夫人云：相公息怒，退  
出去，便罷。（淨直又出科。）（淨云）要這性命怎麼？不如  
觸樹身死，念妻子空爭不到頭，風流自古愛風流。  
三才氣在千般用，一日無常萬事休。（做死科。）夫人  
云：俺不曾逼死他，我是他親姑娘，他又無父母，我  
做主葬了者。（杜云）請小姐出來，今日做箇慶賀的  
筵席，着他兩口兒成婚者。（旦與紅上做拜科。）齊唱

沽美酒 門迎着駟馬車，戶列着八椒圖，娶了箇四德

三從宰相女，平生願足，托賴衆親故。（足叶疽上聲）

太平令若不是大恩人拔刀相助怎能勾好夫妻似  
水如魚好意也當時題目正酬了今生夫婦自古相  
女配夫新狀元花生滿路目叶暮

使臣  
上科

錦上花四海無虞皆稱臣庶諸國來朝萬歲山呼行  
邁義軒德過舜禹聖策神機仁文義武朝中宰相賢  
天下庶民富萬里河清五穀成熟戶戶安居處處樂  
土鳳凰來儀麒麟屢出熟叶同屬  
出叶作

江兒水謝當今聖明唐帝主敕賜爲夫婦永老無別  
離萬古長圓聚願普天下有情的都成了眷屬

隨煞只因月底聯詩句、成就了怨女曠夫、顯得有志的狀元能、無緣的鄭恒苦、

鄭衙內施巧計

老夫人悔姻緣

正名

杜將軍大斷案

張君瑞兩團圓

總目

張君瑞要做東牀婿

法本師住持南瞻池

老夫人開宴北堂春

崔鶯鶯待月西廂記

注二十一條

新水令

一鞭驕馬出皇都、舊作玉鞭、與下玉堂重、及驕作嬌俱非、

### 駐馬聽

當初迷戀、鴛鴦拋棄功名、如無意求官、有心聽講之類、似癡呆懵懂一般、故曰如愚、如今纔得了正項功名、耐得平日讀書之志也、蒲東路、古本作蒲東語、似不妥。

### 喬牌兒

使數猶言使用人也、亦係方語、元詞屢用、末句、雍熙樂府作有些事故、以甚字仄聲不叶耳、然此句譜只五字句、以有字作襯字、自叶矣。

### 鴈兒落



唐周昉善仕女圖徐云敘得雅而妥

### 德勝令

君子斷其初是當時見成語謂君子當決斷於起初也元詞屢用此語北人方語謂牛爲丑生魔合羅劇老丑生無端忒下的曲江池劇白打這小丑生又緋衣夢劇殺了這賊醜生天平地平鴛鴦被劇去了那箇醜生撞着這箇短命丑醜聲同通川賊醜生蓋罵鄭恒爲賊牛也無徒謂無藉之徒木驢副人刑具也

### 慶東原

不明白展污了婚姻簿七字句襯二字不明白連下

解  
遂不可

卷五

卷五

五

五

讀。勿。斷。反。詞。猶。言。可。不。明。白。也。明。白。卽。分。明。之。謂。言。  
鶯。鶯。決。無。配。鄭。恒。之。理。若。如。此。是。連。理。之。樹。生。於。糞。  
堆。比。目。之。魚。生。於。淤。泥。豈。非。分。明。展。污。了。婚。姻。之。簿。  
耶。三。夫。字。用。得。天。然。以。鶯。配。恒。是。殺。風。景。的。事。而。人。  
品。又。不。相。當。是。村。了。風。俗。傷。了。人。物。也。人。物。今。本。作。  
時。務。并。存。徐。云。罵。人。語。有。趣。自。別。

喬木查

省可裏心頭怒猶言減省些煩惱也

攪箏琶

息婦古本作新婦然北人鄉語類睡妻爲息婦予不

大抵爲  
人出罪  
必證見  
的確始  
能服人  
吾謂論  
詞亦然

若從今本、今本不甫能得做夫妻、妻字不韻、誤、古本  
作妻夫、良是、但與上句下了些死工夫、押兩夫字重。  
秣陵本作夫婦、婦字復仄聲、不叶、今並存、金本以至  
如夫人誥、敕縣君名稱二句、作白渠、以較元譜多此  
兩語、且俱不韻、故耳、朱本亦遂因之、不知此調未段。  
增減句字、與句不必韻、元有此體、白仁甫秋夜梧桐  
雨劇、他不如呂太后般弄權、武則天似篡位、周褒姒  
舉火取笑、紂姐已敲脛觀人、早間把他哥哥壞了、貴  
妃有千般不是、看寡人也合饒過他、一面擒拏、上六  
句全不用韻、直至末句、以一韻收之、正此體也、刻地。

猶言平白地也。賍語。古本作賍語誤。

沉醉東風

董詞。比及夫妻每重相遇。各自準備下千言萬語。及至相逢。却沒一句。

落梅風

蒲東郡。今本作蒲東路。然首句元不押韻。言自蒲東至京兆一路見婦人。卽回顧尚不爲。焉有入贅衛尚書家之事乎。

甜水令

言張生不必疑慮。鄭恒這樣人。我決不替他寄簡傳。

書也

### 折桂令

喫敲才罵鄭之詞。曲江池劇。那其間悔去也。喫敲賊  
酷寒亭劇。喫劔敲才。羅貫中 龍虎風雲劇。一箇箇該  
剛該敲。古本作敲頭。無據。敲亦刊也。詞隱生云。南曲  
所謂喬才乃敲才之省文。訛字也。孫繼昌散套寄與  
你箇三負心的敲才。自思省。數黑論黃。謂其言之不  
實。正嚼蛆之意。惡紫奪朱。斷章取義。惡張生形已之  
短也。囊揣不硬。揜之意。馬東籬 黃梁夢劇。俺如今鬢  
髮蒼白。身體囊揣。鄭德輝 梅香劇。往常時病體囊

搯玉壺春劇那里怕邏惹着這囊揣的秀才我則怕  
兀良殺軟弱的裙釵人樣蝦駒古注謂猶俗言蝦兒  
樣人不能偃仰成施之疾也太平樂府高安道詞靠  
棚頭的先蝦着脊背言鶯鶯便極軟弱不畏進亦不  
嫁鄭恒這等人樣蝦駒的人也愛你箇俏東君與鶯  
花做主以向日退兵活命之恩言也囂虛挾詐也虧  
圖謀害也關漢卿竇娥冤劇使了些不着調虛囂的  
見識後庭花劇教把誰虧圖奔大用力之謂謂氣之  
甚而至破胸脯也

### 鴈兒落

董詞文章賈馬豈是大儒智略孫龐是真下愚英武  
笑韓彭不丈夫末二句言正管得鄭恒着也

### 德勝令

前日能退孫飛虎今日必有權術以退鄭恒也不識  
親疎只以情愛言張生是親鄭恒是疎也

### 落梅風

東君指杜將軍古本作東風明語韻不作我字用舊  
綠楊影裏聽杜宇與上你聽咱之聽重非

自舊作孤云着喚鶯鶯出來云云將軍不當云喚  
亦不當稱鶯鶯若作夫人說又非作者以將軍至

成其婚之意從今本作請小姐出來餘從古本

### 沽美酒

八椒圖楊用修稊林伐山引菽園雜記謂龍生九子不成龍各有所好如鰐蟲鴟吻之類椒圖形似螺螄性好閉故立於門上又尸子云法螺蚌而閉戶後漢禮儀志殷以水德王故以螺着戶今門上銅鑲獸面一名椒圖元詞所謂戶列八椒圖以此菽園雜記原文謂出山海經博物志今二書皆不載

### 太平令

當時題目指退賊兵言此張生好意今生既成夫婦



正足以耐之而無恨也、自古相女配夫、各二字成句、  
詞隱生云、相女配夫、蓋成語、相猶視也、視其女而配  
夫、言佳人必配才子也、

### 隨煞

無緣、諸本俱作無情、誤甚、

諸本曲後有感謝將軍成始終一詩、此盲瞽說場  
詩也、鈔本總日後有游東蕭寺景荒涼一詩、亦後  
人咏西廂之作、本記五折每折後有正名四語、末  
簡以總目四語終之、此外不容更加一字矣、今并  
刪去、東牀壻、舊作東窻、南瞻地、舊作南禪、今佛家

南贍部州之贍皆讀作平聲蓋贍禪聲相近之故  
俱誤今改正